

## PARTORDING NI PARPUNGUAN BODARI UJUNG TAON

**□** Ev: Psalmen 37 : 1 - 11 **□** Ep: 1 Petrus 5 : 6 - 11

### **TOPIK:**

### PASAHAT MA DALANMU TU JAHOWA



### HURIA KRISTEN BATAK PROTESTAN SELASA, 31 DESEMBER 2024

### 1. Marende BE. No. 565: 1-3 "LAS ROHANGKU LAO MAMUJI"

III Las rohangku lao mamuji Debata parholong i.

Songon bunga na mangerbang di na binsar ari i.

Arsak, dosa, haporsuhon mago dibaen asiMi.

Las ni roha na manongtong lehon di au Tuhanhi.

JJJ Sude jadijadianMu, laut, tano, langit i.

Angka bintang dohot bulan nang mata ni ari i.

Hauma, ladang, nang harangan, rura dohot dolok i.

Saluhutna mangendehon sangap di Tuhanta i.

.....Musik.....

[Jongjong]

JII Debata parholong roha, na manesa dosangki.

Ndang tarbaen so las rohangku lao mamuji asiMi.

Sai ajari sude hami mangulahon holong i.

Asa gok las rohanami di bagasan Tuhan i.

### 2. **VOTUM – INTROITUS – TANGIANG:**

U : Marhitehite Goar ni Debata Ama dohot Goar ni AnakNa, Tuhan Jesus Kristus dohot Goar ni Tondi Parbadia, na tumompa langit dohot tano on. **Amen.** 

Dungo ma hamu jala martangiang, asa unang hamu bongot tu pangunjunan. Managam ma hamu, dungo ma hamu jala martangiang, ai ndang diboto hamu manang andigan tingki ni i. "Haleluya!"

H: (Mangendehon): "Ill Haleluya... Haleluya... Haleluya...!

U: Martangiang ma hita! Ale Amanami na di banua ginjang! Dibahen Ho do Anak haholongan ni rohaM tu toru ni Patik, asa dipalua angka na ginomgoman ni Patik. Urupi hami, asa dohot hami dapotan haluaon i, jala asa mian hami di bagasan harajaonMu marhitehite AnakMu Tuhan Jesus Kristus, Tuhannami. Amen. (Hundul)

### 3. Marende BE. No. 562: 1 - 2 "HAMUNA ALE JOLMA" BL. 562

JJJ Hamuna ale jolma sai puji Debata.

Hamuna ale jolma sai puji Debata.

JIJ Gok asi ni rohaNa sahat tu hita on.

#### 4. PATIK:

U: Tangihon hamu (Tatangihon) ma Patik ni Debata, i ma **Pilippi 4:6**. "Unang holsohon hamu agia aha; alai sandok pabotohon hamu ma tu Debata pangidoanmuna marhitehite tangiang dohot elehelek mardongan mauliate!."

I do sahatna, Antong rap mangido gogo ma hita sian Tuhan Debata!

# U+H: Ale Tuhan Debata! Sai Pargogo i ma hami mangulahon na hombar tu PatikMi. Amen.

### 5. Marende BE. No. 681:1-2 "ALE AMANG ASI ROHAM" BL. 681

III Ale Amang asi rohaM di au pardosa on.

Unduk do rohangkon nuaeng marsomba di joloM.

Unang jujur, unang jujur angka dosangki.

Sai salpuhon, sai salpuhon sian rohaMi.

[Jongjong]

All Amang sai pargogoi ma au di hasiangan on.

TondiM pasaor tu tondingkon pamalum rohangkon.

Sai usehon, sai usehon TondiMi tu au.

Asa monang maralohon parungkilon au.

### 6. TANGIANG MANOPOTI DOSA:

### U: Tatopoti ma dosanta! Martangiang ma hita:

Ale Tuhan Debata, Amanami na di banua ginjang! Ho do na patupahon hasesaan ni dosa di hami halak na dangol on marhitehite Anak haholongan ni rohaM. Sai asi ma rohaM di hami, angka na mangarsakhon dosanami. Sai sahapi ma tu bagasan rohanami hasesaan ni dosanami i. Lehon ma tu hami TondiM na badia i, asa unang ganggu rohanami di asi ni rohaM, alai asa hot rohanami marhaporseaon laho manggotaphon nasa dosa dohot roha portibi on, asa hupasahat hami dirinami tu Ho, gabe pelean na mangolu jala na badia marhitehite Tuhan Jesus Kristus Tuhannami. Amen.

### Bagabaga ni Debata taringot tu hasesaan ni dosa:

Songon on do Hata ni Tuhan Jesus: Ro ma hamu tu Ahu, hamu angka na loja jala na sorat, Hupasonang pe hamu. Buat hamu ma augangKu tu hamu, guruhon hamu ma sian Ahu, ai na lambok do Ahu jala na serep marroha,

asa dapotan hasonangan tondimuna. Ai lambok do augangKu jala neang do dohot na Hupaporsanhon. Hasangapon ma di Debata na di ginjang!

U + H : Amen (Hundul)

### 7. Marende BE, HKBP No. 169 : 3 "HO SIPANGOLU AU" BL. 224

III Togu ma rohangkon, sai taiti au tu Ho.

Ai langkaMi tongtong naeng tiruonhu do.

Ro Sipangolu ro tibu, baen ma au anakMu tutu.

Dohot mudarMi buri au ias songon hapas ma au.

Ias tutu, ias tutu; dohot mudarMi buri au, ias songon hapas ma au.

#### 8. EPISTEL:

U : Tangihon hamu (Tatangihon) ma Hata ni Debata turpuk Epistel di Parpunguan Bodari Ujung Taon on, i ma na tarsurat di **1 Petrus 5 : 6 - 11,** tajaha ma marsorinsorin: Antong, patutoru hamu ma dirimuna tu toru ni tangan ni Debata na gogo i, asa dipatimbo hamu di tingkina i.

# H: Tingganghon hamu ma nasa na hinolsohon ni rohamuna tu Ibana, ai disarihon do hamu.

U : Torang ma rohamuna, dungo ma hamu; na maotaot do alomuna, sibolis i, songon babiat na marauang mangalului sibondutonna.

# H: Gomos ma hamu mangalo ibana marhitehite haporseaon; ingot hamu ma: Ndang tarbahen so songgop angka haporsuhon sisongon i nang tu angka hahaanggimuna na di portibi on.

U : Alai anggo Debata nampuna saluhut asi ni roha naung manjou hamu tu hasangaponNa na manongtong i di bagasan Kristus, pauliulionNa, pahotonNa jala patoguonNa do hamu, dung jolo ditaon hamu satongkin haporsuhon i.

### H: Di Ibana ma hagogoon ro di salelenglelengna. Amen.

U: I do sahat na. Martua do angka na tumangihon Hata ni Debata, jala na umpeopsa. Amen.

### 9. Marende BE. HKBP No. 249: 1 + 3 "NGOT MA HO O TONDINGKI"

III Ngot ma ho o tondingki, dungo martangiang.

Asa unang musu i tole so tinagam.

Bisuk ni setan i do manait tu dosa, lan na bonar roha. [Jongjong]

JJJ Dungo ai na so tarbaen Tondi ni Jahowa.

Manorangi ho mambaen sirang sian dosa.

Ingkon do dungo ho asa lehononNa denggan ni basaNa.

#### 10. MANGHATINDANGHON HAPORSEAON:

U: Tahatindanghon ma haporseaonta i, songon na hinatindanghon ni donganta sahaporseaon di sandok portibi on. Rap ma hita mandok:

H: Ahu Porsea di Debata Jahowa..... d.u.

(Hundul)

- 11. Sunggul-sunggul
- 12. a. Manjahahon Beright, Laporan Keuangan dohot
  - b. Mandok Hata: 1. Utusan Sahalak Ruas
    - 2. Utusan sahalak Anak Rantau
    - 3. Utusan Parhalado

# 13. Papungu Pelean Huhut Marende BE. HKBP No. 691: 1... "HUPASAHAT MA TU JESUS" BL. 691 (Pelean Ia, Ib)

JJJ Hupasahat ma tu Jesus saluhutna ngolungki.

Roha nang pambaenanhu, saluhutna tingkingki.

Hupasahat ma tu Jesus saluhutna diringki.

Hupasahat ma tu Jesus saluhutna ngolungki.

**J**. Pangkeonhu ma tanganhu, mangula lomoNa i.

Langka nang simanjojakhu mangihuthon Tuhanhi.

Hupasahat ma tu Jesus saluhutna diringki.

Hupasahat ma tu Jesus saluhutna ngolungki.

### -----Musik-----

III Nang pamereng ni matangku mandompakhon Jesus i.

Soara ni pamanganhu, mamuji goarNa i.

Hupasahat ma tu Jesus saluhutna diringki.

Hupasahat ma tu Jesus saluhutna ngolungki.

JII Dung huida Tuhan Jesus hutundalhon dosangki.

Lohot rohangki tu Jesus sipalua tondingki.

Hupasahat ma tu Jesus saluhutna diringki.

Hupasahat ma tu Jesus saluhutna ngolungki.

### 14. JAMITA: Psalmen 37:1-11

# 15. Papungu Pelean Huhut Marende BE. HKBP No. 690: 1... "HIBUL ROHANGKU" BL. 690 (Pelean II)

- Hibul rohangku tu Tuhan Jesus, sude ngolungku di Tuhan Jesus. Ihuthononhu do Tuhan Jesus, ndang olo au sumurut be.
- Sai hutundalhon haportibion, silang ni Kristus ma hudapothon. Sai hutundalhon haportibion, ndang olo au sumurut be.

#### -----Musik-----

- Tung so adong pe na olo dohot, alai rohangku sai marsihohot. Tung so adong pe na olo dohot, ndang olo au sumurut be.
- Beta ihuthon ma Tuhan Jesus, ho na dijou do roham patulus. Beta ihuthon ma Tuhan Jesus, sai unang ho sumurut be.

### 15. Tangiang Pelean:

### [Jongjong]

U: Tatangianghon ma peleanta. Ale Debata, Amanami na di banua ginjang, Ho do haroroan ni saluhut silehonlehon na denggan dohot nasa uli basa na mauliutus. Hupasahat hami ma sian na nilehonMi tu hami, peleannami tu Ho. Sai jalo ma i gabe uap na hushus di joloM. Pasupasu ma i jala ramoti asa huparhaseang hami pelean on, patimbulhon harajaonMu di tongatonga ni HuriaM dohot di portibi on. Buhai ma rohanami marhitehite TondiM, asa lam hutanda hami godang ni silehonlehonMi tu hami, asa lam girgir hami mandok mauliate tu Ho, marhitehite Jesus Kristus Tuhannami. Amen.

### Rap mandok hita di tangiang, Ale Amanami....

U+H: Ale Amanami na di banua ginjang! Sai pinarbadia ma GoarMu! Sai ro ma harajaonMu! Sai saut ma lomo ni rohaM di banua tonga on songon na di banua ginjang! Lehon ma tu hami sadari on hangoluan siapari! Sesa ma dosanami songon panesanami di dosa ni dongan na mardosa tu hami! Unang hami togihon tu pangunjunan! Palua ma hami sian pangago. Ai Ho do nampuna harajaon dohot hagogoon ro di hasangapon saleleng ni lelangna. Amen.

U: Tangiang Pasupasu:

H: (Mangendehon) BE No. 845: 1 "AMEN (3x) HKBP" BL. 845

Amen, Amen, Amen.